

Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-142-8/18
Sarajevo, 17.05.2018. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva-Tužiteljstva BiH d o n o s i

O D L U K U
o izboru najpovoljnijeg ponuđača

Član 1.

(Predmet odluke)

Ugovor o nabavci usluga servisiranja i održavanja printera, faksova, kopir aparata, skenera i multifunkcionalnih uređaja za potrebe Tužilaštva-Tužiteljstva Bosne i Hercegovine, dodjeljuje se ponuđaču „11“ d.o.o. Istočno Sarajevo.

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom konkurentskom zahtjevu za dostavu ponuda.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Konkurentskom zahtjevu za dostavu ponuda.

Član 3.

(Stupanje na snagu)

Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 435-7-2-247-3-15/18 od 11.04.2018. godine. Primljene su tri ponude ponuđača: ALF-OM d.o.o. Banja Luka sa ponuđenom cijenom od 2,40 KM bez uključenog PDV-a, PlanPlus d.o.o. Zenica sa ponuđenom cijenom od 55,00 KM bez uključenog PDV-a i „11“ d.o.o. Istočno Sarajevo sa ponuđenom cijenom od 0,36 KM bez uključenog PDV-a.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2018. godinu, broj: A-534/17 od 27.12.2017. godine i dopunom Odluke o imenovanju Komisije za provođenje postupaka javnih nabavki Tužilaštva-Tužiteljstva BiH, broj: A-534-1/17 od 11.01.2018. godine, članovi Komisije (u daljem tekstu: Komisija) izvršili su pregled i ocjenu ponuda, sačinili Zapisnik o pregledu i ocjeni ponuda i izvještaju o radu Komisije i utvrdili sljedeće:

Tužilaštvo - Tužiteljstvo Bosne i Hercegovine, ul. Kraljice Jelene br.88, Sarajevo;
Telefon: ++ 387 33 707 200; Fax ++ 387 33 707 463; e-mail: info@tuzilastvobih.gov.ba

-nakon izvršenih računskih provjera ponuda, Komisija je utvrdila da niti jedna ponuda nema računskih grešaka.

- na osnovu člana 66. stav 1. Zakona o javnim nabavkama Bosne i Hercegovine, Komisija je uputila ponuđaču „11“ d.o.o. Istočno Sarajevo Zahtjev za pojašnjenje neprirodno niske ponuđene cijene, broj: A-142-6/18 od 04.05.25018. godine. Nakon blagovremenog dostavljenog pojašnjenja za neprirodno nisku ponudu od strane ponuđača „11“ d.o.o. Istočno Sarajevo, Komisija je pojašnjenje razmotrila i isto ocijenila u potpunosti osnovanim.

-analizom dostavljenih ponuda i poređenjem istih sa zahtjevima navedenim u Tenderskoj dokumentaciji za nabavku usluga servisiranja i održavanja printera, faksova, kopir aparata, skenera i multifunkcionalnih uređaja Tužilaštva-Tužiteljstva Bosne i Hercegovine, broj: A-142-2/18 od 30.03.2018. godine utvrđeno je da su sve dostavljene ponude u potpunosti prihvatljive i zadovoljavaju uslove Tenderske dokumentacije i Tehničke specifikacije.

Shodno navedenom, članovi Komisije su uputili preporuku v.d. glavnog tužioca Tužilaštva-Tužiteljstva Bosne i Hercegovine za izbor ponuđača „11“ d.o.o. Istočno Sarajevo, koji je ponudio najnižu cijenu i čija ponuda u potpunosti ispunjava uslove za nabavku predmetnih usluga

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva/Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Dostavljeno:

- Ponuđačima,
- Odjelu za materijalno-finansijske poslove.

